



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

INDLOVANA/INDLOVULENKHULU 2016

EMAMAKI: 80

SIKHATSI: Ema-awa 2

Leliphepha linemakhasi la-13.

TICONDZISO KULABAHLOLWAKO

1. Leliphepha lehlukaniwe TIGABA LETINTSATFU:

SIGABA A:	Siviso	(30)
SIGABA B:	Sifinyeto	(10)
SIGABA C:	Lulwimi ngekwesimongcondvo	(40)

2. Phendvula YONKHE imibuto ngeSiswati.

3. Cala LESO NALESO sigaba ekhasini LELISHA.

4. Dwebela ekugcineni kwaleso NALESO sigaba.

5. Tinombolo tetimphendvulo atihambisane naleto letisephepheni lemibuto njengobe tinjalo.

6. Shiya umugca emkhatsini wetimphendvulo takho.

7. Caphelisisa sipelingi/lupelomagama nendlela lewakha ngayo imisho.

8. Kwehlukaniwa kwesikhatsi:

SIGABA A:	Emaminithi 50
SIGABA B:	Emaminithi 30
SIGABA C:	Emaminithi 40

9. Bhala ngebunono nangesandla lesifundzekako.

SIGABA A: SIVISO**UMBUTO 1**

1.1 Fundza lethekesthi lelandzelako bese uphendvula imibuto letawulandzela.

ITHEKSTHI A**KUBANJWA KWATSANDZEKILE**

'Tsandzekile! Ngivulele ligede mntfwanami, ngafa ngemakhata,' kusho Magangeni eme egedeni kakhe lelihlala likhiyiwe ngenca yetigebengu lesetagwala umhlaba wonkhe. Kutsi nya, kubete lobonakalako aphuma endlini kutewuvula ligede. Abe asavakele ngesikhahlo Magangeni entiwa ngemakhata lamshushudzako.

LaDludlu eve kutsi sewukhuluma ngelulaka umyeni wakhe, aphume ayohlola Tsandzekile ekamelweni lakhe. Aphose ashayeke phasi nakakhandza kutsi litje lome inhlama. Eve sengatsi ufikelwa siyeti, adziyatele acondze emnyango asajakele kuyovulela umyeni wakhe. Atsi nasekajakele egedeni akhumbule kutsi sewukhohlwe sikhiya, kumcacele kutsi kusho kona kutsi sihambe naTsandzekile. Aphume asaphetse lisaha letinsimbi esandleni.

'Lamuhla kwentenjani ngatawuvulelwa nguwe make, Tsandzekile akhona?' Kusho Magangeni. Atsalalise sengatsi akakeva LaDludlu. 'Sikhiya angisiboni kutsi sikuphi babe. Ngicela utsatse nali lisaha usahe lenkanankana. 'Utsi sikhiya sidliwe yini? Nanyalo yimihlolo yami kutewugucuka sigebengu emtini wami.' Asho alitsatsa lisaha etama kusaha inkanankana. Ngelikadze ijubeke inkanankana. Bahambe nemkakhe sebacondze endlini. Bahamba nje kute lokhulumisa lomunye, LaDludlu akakhoni nekuvula umlomo ngaletiga latibone ekamelweni laTsandzekile.

'Ha ngaphose ngafa ngemakhata ngingafunga babe phasi kwentsaba,' kusho Magangeni ahlala phasi eceleni kwesitofu lesisafutfumele. 'Angibilise emanti khona utewutfola likhofi ukhiphe emakhata.' Asho LaDludlu atsela tinkomishi letimbili egedloleni khona kutewusheshe kubile.

'Uphi Tsandzekile kwadzidzitela wena nje?' Kubuta Magangeni ngekumangala. 'Tsandzekile ngivuke ngamkhandza angekho ekamelweni lakhe.' 'Utsini?' Aphindze futsi ngelulaka. 'Ngitsi akekho babe e ...' 'Utsi akekho uyephi? Ngabe kusengiko-ke kufundza loku? Phela akusho kutsi loku ngingafundzanga futsi ngingasebenti sengisiphukuphuku sekuyengwa bantfwana.' 'Nali likhofi babe natsa. Kudla kwakho kulapha esitofini,' kusho LaDludlu, asho acondza emnyango. Atsi nakatsi uyaphuma amdvonse ngelitjalo Magangeni. 'Uyaphi? Hlala lapha phasi, awuyi ndzawo, lamuhla utawulala ngalesikhatsi latawulala ngaso umntfwanakho.' 'Hawu babe, ngitawuselwa nebakitsi.'

Sikhatsi bese igabence insimbi yekucala ekuseni. Magangeni nemkakhe bahleti ekhishini balindze kubuya kwendvodzakati leyofundza kubangani. Batsi bangaketeleli beva umsinjwana ngasegedeni lokhomba kona kutsi kukhona lovulako kanye nemavi ebantfu labakhulumako. Magangeni asukume ahlole efasitelweni. Nembala abone Tsandzekile eta nemuntfu lomdvuna kugacenze. Angete watsandza kwetfusa LaDludlu ngaloku lakubonako, abuyele phasi bese utsi, 'Buya sime lapha emva kwesivalo khona atewungena akhululekile.' Nembala basukume beme emva kwesivalo. Bangene boTsandzekile nemngani wakhe. Livele lihlale phasi lijaha ekhishini, Tsandzekile abeke ligedlela kute batewunatsa likhofi.

'Hhayi lamuhla angihambi kubandza kakhulu,' kusho lijaha lidlalisa tandla etafuleni. Basahleti banatsa litiya chamu uyise apheetse insilane. Wakhwela watehlela ngayo. Kwatsi LaDludlu naketama kwelekelela yakhala etukwakhe naye.


[Umtfombo: *Sivula Emasango*, Libanga 8, likhasi 1–4]

- 1.1.1 Kusho kutsini kukhandza litje lome inhlama? (1)
- Khetsa YINYE imphendvulo. Bhekisa imphendvulo yakho etheksthini lengenhla.
- A Akunakudla.
B Akunasinkhwa.
C Akunamuntfu.
D Akunalitje. (1)
- 1.1.2 Kungani ligede laMagangeni lihlale likhiywe ngenkanankana? (1)
- 1.1.3 Bese kusikhatsini nakubuya Tsandzekile ekhaya? (1)
- 1.1.4 Yini leyasita Magangeni kungena ekhaya lakhe? (1)
- 1.1.5 Uyise waTsandzekile ufundzani kulamavi? 'Hhayi lamuhla angihambi kubandza kakhulu'. (2)
- 1.1.6 Wakhombisa ngani Magangeni kutsi akasafuni kuma lapha egedeni? (2)
- 1.1.7 Bhala tintfo LETIMBILI letasita Magangeni kubona kutsi Tsandzekile usegedeni. Bhekisa imphendvulo kuletheksthi lengenhla. (2)
- 1.1.8 Bhala KUBILI lokwentiwa nguMagangeni lokukhombisa kutsi uhlukumeta lilungelo laLaDludlu. Bhekisa etheksthini lengenhla. (2)
- 1.1.9 Ucabanga kutsi yini lebeyenta Tsandzekile ahlale avulela uyise ligede? Sekela imphendvulo yakho ubhekise etheksthini lengenhla. (2)

- 1.1.10 Veta lwati lolutfolakala kulenkhumo letsi: 'ngingafunga babe phasi kwentsaba.' Bhala emaphuzu LAMABILI. (2)
- 1.1.11 Bhala emaphuzu LAMABILI lenta kutsi kube lula kubamba Tsandzekile. (2)
- 1.1.12 Bhala KUBILI lebekungentiwa nguMagangeni kucedza lenhlopheko yekulindzela kuvulelwa ligede. (2)
- 1.1.13 Ngekubona kwakho lomonakalo lowentiwe egedeni utawulungiswa ngayiphi indlela? Bhala kube KUBILI. (2)
- 1.1.14 Sifundvo sini lositfolako kulenzaba njengemfundzi? (2)

1.2 Fundzisa lesitfombe bese uphendvula imibuto letawulandzela.

ITHEKSTHI B



[Umfombo: 'Ilanga LaseNatali' 2 Mabasa, Likhasi 9, 2015]

- 1.2.1 Khetsa imphendvulo yakho. Leligama lelitsi, 'mshana,' kulesibonwa lisho kutsini? (1)
- A Ngumntfwana wamzala.
B Ngumntfwana wemfowetfu.
C Ngumntfwana wadzadzewetfu.
D Ngumntfwana wemntfwanami.
- 1.2.2 Ngukuphi kulesibonwa lokukhombisa kutsi emanti nagezi kusetjentiswa kabi? Bhala kube KUBILI. (2)

- 1.2.3 Ngusiphi sijeziro lesi malume anganikwa sona kuloku lokwenteka kulesibonwa lesingehla? Bhala KUBILI. (2)
- 1.2.4 Nguyiphi ingoti lengadalwa ngulentsambo yagezi lehamba phasi? Bhala liphuzu libe LINYE. (1)

[30]

SAMBA SESIGABA A: 30

SIGABA B: SIFINYETO**UMBUTO 2**

Fundza lethekesthi lelandzelako bese ubhala emaphuzu lasikhombisa lamayelana **nekwehlisa sisindvo semtimba.**

TICONDZISO

1. Bhala emaphuzu LASIKHOMBISA ngemisho legcwele ngemagama LANGENGCI kula- 60.
2. Imisho yakho ayibe netinombolo kusuka ku-1 kuya ku-7.
3. Bhala liphuzu LINYE emshweni ngamunye.
4. Sebentisa emagama AKHO.
5. Khombisa linani lemagama lowasebentisile ekugcineni kwesifinyeto uwafake kubakaki.

ITHEKSTHI C: SIFINYETO**KWEHLISA SISINDVO SEMTIMBA**

Tinyenti tintfo longatenta ngekwehlisa sisindvo semtimba esikhatsini salomuhla. Kukhona tinkholelo letiphambili lesingeke satibalekela ngobe setidvunge imicondvo yebantfu. Bantfu batsi kudla lokunemphilo kuyabita. Bayakhohlwa kutsi kudla lokwakha imphilo akusho kudla lokubukeka kahle, akusho futsi kudla lokubitako. Lokubaluleke kakhulu kudla kudla lokunemsoco lokutitselo netibhidvo kute sisindvo semtimba sehle ngalokufanele.

Labanye batsi kutilambisa kungehlisa sisindvo semtimba. Ungalingi usebentise kutilambisa njengendlela yekwehlisa umtimba. Kutivocavoca ngiyona ndlela umuntfu langayisebentisa kwehlisa sisindvo semtimba.

Lokunye lokwehlisa sisindvo semtimba kuya kudokodela nobe emfolamphilo losebenta ngekwehlisa sisindvo semtimba. Yena angakunika emaphilisi nobe imitsi lehlisa sisindvo semtimba. Loku kukhutsata kuvakashela labo labasebenta ngekwehlisa sisindvo semtimba.

Letinye tetindlela tekudla longaphila ngato kutsi unciphise kudla inyama lenyenti. Yidle ungengci etikhatsini letintsatfu ngeliviki. Inyama lenyenti ingakubangela kutsi umtimba utsele kakhulu, sisindvo senyuke. Banyenti bantfu labakhuluphaliswa kudla inyama lebovu lenyenti kakhulu.

Lokunye lokungentiwa kunatsa emanti lamanyenti cisha tingilazi letisiphohlongo ngelusuku. Emanti akhipha konkhe kungcola lokukhona emtimbeni wakho. Umtimba wakho uyehla nangabe unatsa emanti lamanyenti. Caphela unganatsi emanti wendlule kuloku lokubekiwe. Asititayeteni kunatsa emanti njalo nasicedza kudla kute sisindvo semtimba sehle ngalokulingene.

Kudla ungakutfosi ngemafutsa lamanyenti futsi ungakubilisi kuze kwece ngobe kutawuphela umsoco. Kudla lokubilisiwe kwenta sisindvo semtimba singenyuki sihlale sehle ngalokufanele. Kufanele sicaphele kutsi emafutsa ayawukhukhumukisa umtimba.

Dlani kuphela ngetikhatsi letifanele tekudla. Kuhlala udla njalo kukhuphula sisindvo semtimba. Asiyinakekeleni imitimba yetfu kute ihlale inesisindvo lesilingene. Bani nendlela yakho yekudla, kakhulukati nangabe usemicinjini nobe etindzaweni tekutijabulisa. Ungadli yonkhe lentfo lebekwa embikwakho.

[Umtfombo: *Bona*, February 2013. Likhasi 56–57]

SAMBA SESIGABA B: 10

SIGABA C: TAKHI NETIMISO TELULWIMI**UMBUTO 3: SIKHANGISI**

Fundza lesikhangisi lesingentasi bese uphendvula imibuto letawulandzela.

ITHEKSTHI C

! IPONDS LENSHA SIMANGALISO SEKUNGAUGI !

- IKWENTA UBUKEKE UMNCANE NGEMINYAKA LE- 10.
- SIKHUMBA SAKHO SIHLALA SIBUSHELELETI.
- AWUJULUKI NAWUGCOBISE YONA.
- IKONGELA IMALI.
- IPONDS KUPHELA LENGENTA SIKHUMBA SAKHO SIGCAME.
- LABASEBENTISA YONA ABAWUVALI UMLOMO.


[Umtfombo: *Get It*, March 2014]

- 3.1 Lesikhangisi siphatselene nayiphi incenye yemtimba? (1)
- 3.2 Bhala **libitomfakela** lelisetjentiswe kulesikhangisi lesingenhla? (1)
- 3.3 Kusho kutsini kutsi labasebentisa yona **abawuvali umlomo**?
Khetsa YINYE imphendvulo.
- A Bahlala bavule imilomo.
B Bakhuluma ngayo njalo.
C Bahlala bakhamise imilomo.
D Bahlala babambe imilomo. (1)
- 3.4 Bhala **mcondvofana** waleligama lelidvwetjelwe kulomusho longentasi. Awujuluki nawugcobise yona. Bhala imphendvulo kuphela. (1)
- 3.5 Nguyiphi inkhulumo **letsatsa luhlangotsi** kulesikhangisi lesingenhla? Usho ngani? (2)

- 3.6 Bhala **sinciphiso** saleligama lelidwetjelwe kulomusho longentansi. (1)
'Iponds ikongela imali.'
- 3.7 Khokha umusho kulesikhangisi lesingenhla lokhombisa kutsi iPonds inciphisa iminyaka. (1)
- 3.8 Ngekubona kwakho bekuyini inhloso yalokhangisako ngalesikhangisi? Bhala kube KUBILI. (2)
[10]

UMBUTO 4: IKHATHUNI

Fundza lekhathuni bese uphendvula imibuto letawulandzela.

ITHEKSTHI E

[Umtfombo: www.cartoons.co.za]

- 4.1 Bhala umusho losenkhumeleni 2 lokhombisa kutsi Sticks uyavilapha? (1)
- 4.2 Shano kutsi **lesisho** lesidvwetjelwe enkhumeleni 2 sisho kutsini.
- Khetsa YINYE imphendvulo.
- A Sisho kungcebeleka.
B Sisho kukhala.
C Sisho kucabanga.
D Sisho kudla. (1)
- 4.3 Bhala ligama **lelisha** lelichaza ligama lelidvwetjelwe enkhumeleni 1. (1)
- 4.4 **Phikisa** leligama lelidvwetjelwe lapha ngentasi.
- 'Uyati mngani wami Sticks, ngiyamtsandza Madumane.' (2)
- 4.5 Akha umusho ngalelibito lelidvwetjelwe kulomusho longentasi libe **ngumentywa**.
- Mine ngite imikhono yekudlala. (1)
- 4.6 Bhala **libitomfutiselo** lelingena ngaphasi kwetinatfo kulekhathuni lengenhla, unike sakho sibonelo sesinatfo lesingekho kulesibonwa. (2)
- 4.7 Ngukuphi lokukhombisa kutsi labantfu labakulekhathuni bangcebelekile? Bhala KUBILI. (2)
- [10]

UMBUTO 5

5.1 IPHROZI

Fundza leteksthi lelandzelako bese uphendvula imibuto letawulandzela.

ITHEKSTHI F

EMA-IDOLS

Lomncintiswano ukhombisa kukhula minyaka yonkhe. Manyenti emakhono labukiswa bantfu kuwo njengoba ungenelwa bantfu labehlukene labanemakhono lehlukene. Kusukela ekuhlabeleleni, ekwenteni imilingo, kudansa nalokunye lokubukisa ngemakhono. Kunyenti lokumangalisako lokubonakala kulomncintiswano.

Lamanye emakhono ashiya emajaji ashacekile, etfukile, agcwele tinyembeti nalokunye. Kulomnyaka kulindzeleke kutsi senyuke sibalo kunaleso salomnyaka londlulile sebantfu laba- 6 000 lababukise ngemakhono abo. Ngekusho kwaKee-Leen Irvine, longuSibonakonkhe aphindze abe ngumdiyeli lomkhulu walomncintiswano, kwacelwa bantfu kutsi baphume ngebunyenti kutewubukisa ngemakhono abo.

'Sifuna kutsi bantfu batfutukise emakhono abo bangacini ngekwenza intfo yinye, kodvwa bavete nalokunye labangakuyenta ngawo lamakhono,' kusho Irvine ananela ngekutsi bamukele wonkhe umuntfu bangakhetsi iminyaka nobe luhlobo lolutsite lwelikhono. Nangabe nje utibona kutsi unelithalente entfweni letsite nakanjani siyakumema kutsi ungenele. Kwati bani. Sibindzi uyabulala, sibindzi uyaphilisa. Sifuna bantfu babe banyenti bacime lilanga. Akwakhiwe emacembu etemiculo. Kuhlabela kuyamtfokotisa umuntfu lodzangele.

[Umtfombo: Isolezwe 15 iNdlovana, Likhasi 8, 2014]

5.1.1 Bhala ligama lelichaza lilanga.

Khetsa YINYE imphendvulo.

A Lisango

B Lijika

C Lijoka

D Libala

(1)

5.1.2 Shano kutsi lomusho longentasi ucuketse **hlobo luni lwesabito**.
(Bhala imphendvulo kuphela).

'Lomncintiswano ukhombisa kukhula minyaka yonkhe.'

(1)

5.1.3 Lungisa liphutsa lelwimi kulomusho lolandzelako,

'Abavete lokunye labangakuyenta ngemakhono.'

(1)

5.1.4 Bhala lenombolo lengentasi ngemagama lagcwele eSiswati,
6 000.

(1)

5.1.5 Bhala emagama LAMABILI laphikisanako endzimeni yesitsatfu
kuletheksthi lengenhla.

(2)

5.1.6 Tsatsa lelibitombici lelidvwetjelwe kuletheksthi lengenhla wakhe
ngalo umusho.

(2)

5.1.7 Endzimeni yekugcina kuletheksthi lengenhla kunelibitogcogca,
litsatse wakhe ngalo umusho.

(2)

5.1.8 Bhala lomusho lolandzelako ube sesikhatsini lesitako.

'Sifuna kutsi bantfu batfutukise emakhono abo.'

(2)

5.1.9 Shano kutsi lemisho lelandzelako ikutiphi tindlela tesento.

(a) Emajaji asala ashacekile, etfukile, futsi agcwele tinyembeti
nalokunye.

(b) Kuhlabela kuyamtfokotisa umuntfu lodzangele.

(2)

5.2 **SITFOMBE**

Fundza lesibonwa lesilandzelako bese uphendvula imibuto letawulandzela.

ITHEKSTHI G

[Umfombo: *Drum-Magazine*, Likhasi le-15 2000]

5.2.1 Khetsa YINYE imphendvulo lechaza lomusho, 'Mine ngeke ngidle butfongo, ngitawutimisela'.

- A Ngitawusebenta ngidla.
- B Ngitawusebenta ngilele.
- C Ngitawusebenta ngiphumule.
- D Ngitawusebenta matima. (1)

5.2.2 Likhombani leligama lelidvvetjelwe enkhulumeni 2? (1)

5.2.3 Tsatsa lelibito lelidvvetjelwe enkhulumeni 5 wakhe ngalo umusho lonemcondvo lowehlukile kunalowo losemshweni. (2)

5.2.4 Hlobo luni lwelovelomagama loludvvetjelwe enkhulumeni 3? (1)

5.2.5 Shano kutsi leligama lelidvvetjelwe kulomusho longentasi, liphetse yiphi imphambosi.

'Vusi ufunwa ngimi. (1)
[20]

SAMBA SESIGABA C: 40
SAMBA SAKO KONKHE: 80